

**Мақта тұқымының мемлекеттік ресурстарын қалыптастыру, сақтау және пайдалану қағидаларын бекіту туралы**

*Күшін жойған*

Қазақстан Республикасы Үкіметінің 2011 жылғы 26 желтоқсандағы № 1601 Қаулысы. Күші жойылды - Қазақстан Республикасы Үкіметінің 2015 жылғы 29 желтоқсандағы № 1108 қаулысымен

Ескерту. Күші жойылды - ҚР Үкіметінің 29.12.2015 № 1108 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

РҚАО-ның ескертпесі.

ҚР мемлекеттік басқару деңгейлері арасындағы өкілеттіктердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Ауыл шаруашылығы министрінің 2015 жылғы 7 шілдедегі № 4-3/610 бұйрығын қараңыз.

«Мақта саласын дамыту туралы» Қазақстан Республикасының 2007 жылғы 21 шілдедегі Заңының 7-бабының 3) тармақшасын іске асыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Мақта тұқымының мемлекеттік ресурстарын қалыптастыру, сақтау және пайдалану қағидалары бекітілсін.
2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

*Қазақстан Республикасының*  
*Премьер-Министрі* *К. Мәсімов*  
Қазақстан Республикасы  
Үкіметінің  
2011 жылғы 26 желтоқсандағы  
№ 1601 қаулысымен  
бекітілген

**Мақта тұқымының мемлекеттік ресурстарын қалыптастыру, сақтау және пайдалану қағидалары**

**1. Жалпы ережелер**

1. Осы Мақта тұқымының мемлекеттік ресурстарын қалыптастыру, сақтау және пайдалану қағидалары (бұдан әрі – Қағидалар) «Мақта саласын дамыту туралы» Қазақстан Республикасының 2007 жылғы 21 шілдедегі Заңына сәйкес әзірленді және мақта тұқымының мемлекеттік ресурстарын қалыптастыру, сақтау және пайдалану тәртібін айқындайды.

2. Осы Қағидаларда мынадай негізгі ұғымдар пайдаланылады:

1) мақта өңдеу ұйымы – меншік құқығында мақта тазалау зауыты бар, шитті мақтаны мақта талшығы етіп бастапқы қайта өңдеу жөнінде қызметтер көрсететін заңды тұлға;

2) мақта тұқымының мемлекеттік ресурстары – тұқымдық мақсаттар үшін пайдаланылатын, Қазақстан Республикасының тұқым материалына қажеттілігін тұрақты қамтамасыз ету үшін құрылған және арналған мақта тұқымының мемлекеттік қорлары;

3) мамандандырылған ұйымдар – Қазақстан Республикасы Үкіметінің 2007 жылғы 19 қарашадағы № 1106 қаулысымен айқындалған отандық өндірушілерден ауыл шаруашылығы өнімін және оның терең қайта өңдеу өнімдерін сатып алуды, сондай-ақ оларды сақтау, қайта өңдеу, тасымалдау жөніндегі қызметтерді жүзеге асыратын ұйымдар;

4) уәкілетті орган – Қазақстан Республикасы Ауыл шаруашылығы министрілігі.

3. Мақта тұқымының мемлекеттік ресурстарын қалыптастыру, сақтау және пайдалану уәкілетті орган мен мамандандырылған ұйымдар арасында мақта тұқымының мемлекеттік ресурстарын сенімгерлік басқару шартын жасасу арқылы жүзеге асырылады.

4. Мамандандырылған ұйымдар мақта тұқымының мемлекеттік ресурстарын қалыптастыруға, сақтауға және пайдалануға байланысты қызмет нәтижелері бойынша уәкілетті органға уәкілетті орган белгілеген тізбе, нысандар бойынша және мерзімдерде есептілік береді.

## **2. Мақта тұқымының мемлекеттік ресурстарын қалыптастыру**

5. Мақта тұқымының мемлекеттік ресурстарын қалыптастыруды уәкілетті орган мамандандырылған ұйымдар арқылы:

1) республикалық бюджеттің қаражаты есебінен аттестатталған өндірушілерден мақта тұқымын сатып алу;

2) бұрын берілген тұқымдық несиелерді қайтару;

3) мақта тұқымының мемлекеттік ресурстарын сатудан түскен қаражатқа аттестатталған өндірушілерден мақта тұқымын сатып алу жолымен жүзеге асырады.

6. Мақта тұқымының мемлекеттік ресурстарына жеткізілетін мақтаның сорттық тұқымы Қазақстан Республикасында пайдалануға рұқсат етілген Селекциялық жетістіктердің мемлекеттік тізіліміне енгізілген сорттарға жатуы, ал сорттық және себу сапалары бойынша мына талаптарға жауап беруі тиіс:

1) элита тұқымы – сорттық тазалықтың бірінші санаты және себу стандартының бірінші сыныбы;

2) бірінші-екінші көбейтілген тұқым – сорттық тазалықтың екінші санатынан және себу стандартының екінші сыныбынан төмен емес.

### **3. Мақта тұқымының мемлекеттік ресурстарын сақтау**

7. Мақтаның мемлекеттік тұқым ресурстары мақта өңдейтін ұйымдарда бүлінуден, басқа дақылдармен және сорттармен араласып кетуден толық сақтауды қамтамасыз ететін арнайы бөлінген қоймаларда сақталады.

8. Мамандандырылған ұйымдар мен мақта өңдеу ұйымдары мақта тұқымының мемлекеттік ресурстарының сандық-сапалық сақталуын қамтамасыз етеді.

9. Мақта тұқымының мемлекеттік ресурстарын сақтау жөніндегі шығындар оны сатудан түскен қаражат есебінен жүзеге асырылады.

10. Мақта өңдеу ұйымдары уәкілетті органға және мамандандырылған ұйымдарға осы Қағидаларға 1-қосымшаға сәйкес нысан бойынша мақта тұқымының мемлекеттік ресурстарын сақтау жөнінде есеп береді.

### **4. Мақта тұқымының мемлекеттік ресурстарын пайдалану**

11. Мақта тұқымының мемлекеттік ресурстарын пайдалануды тұқымдық несие беру және сату, сондай-ақ мақта өңдеу ұйымына мақта тұқымын сақтау жөніндегі қызметке төленетін ақы есебінде беру арқылы мамандандырылған ұйымдар жүзеге асырады.

12. Тұқымдық несиені беру бөлінетін несие құнының 3 пайызын құрайтын мөлшердегі қайтару коэффициентін ескере отырып, қайтарымдылық және коммерциялық негізде жүргізіледі.

13. Тұқымдық несие алу үшін ауыл шаруашылығы тауарын өндірушілер (бұдан әрі – АШТӨ) мамандандырылған ұйымдарға өтініш (қалаған нысанда), жер учаскесіне құқығын куәландыратын құжаттың көшірмесін, АШТӨ-нің тұқым несиесін қайтару жөніндегі міндеттердің орындалуын қамтамасыз ету үшін кепілдікті шығаруға әзір екендігі туралы ниет-хатын және Қазақстан Республикасының банктік заңнамасына сәйкес ресімделген екінші деңгейдегі банктің кепілдігін тапсырады.

Мамандандырылған ұйымдар тапсырылған құжаттарды он жұмыс күні ішінде

қ а р а й д ы .

Оң шешім қабылданған жағдайда, мамандандырылған ұйымдар шешім қабылданғаннан кейін үш жұмыс күні ішінде АШТӨ-мен шарт жасасады, шартта АШТӨ-ге бір ай ішінде банктік кепілдік тапсыру көзделеді. Банктік кепілдік тапсырылғаннан кейін мамандандырылған ұйымдар оны екі жұмыс күні ішінде қарайды және үш жұмыс күні ішінде тұқымдық несиені беру туралы өкім береді.

Теріс шешім қабылданған жағдайда АШТӨ-ге бас тарту себебі көрсетіліп, дәлелді жауап жолданады.

Тұқымдық несиені беруден бас тарту жоғарыда көрсетілген құжаттардың толық болмау себептеріне байланысты болады.

14. Тұқымдық несиені қайтару ағымдағы жылғы өнім мақтасының сорттық тұқымынан немесе несиені беру шартында көрсетілген мерзімдерде шитті мақтамен, мақтаның мемлекеттік тұқым ресурстарын сақтауды жүзеге асыратын мақта өңдеу ұйымдарына жеткізу арқылы жүзеге асырылады.

15. Мақта тұқымын сату алдын ала төлем немесе Қазақстан Республикасының екінші деңгейдегі банкінің кепілдігі бар болған жағдайда жүзеге асырылады. Мақта тұқымын сатып алу кезінде сатып алушылар мамандандырылған ұйымдарға сонымен қатар өтінішті (қалаған нысанда) және жер учаскесіне құқығын куәландыратын құжаттың көшірмесін тапсырады.

16. Мақта тұқымын сақтау мерзімі өткен жағдайда мамандандырылған ұйымдар Қазақстан Республикасының Азаматтық кодексінде белгіленген тәртіппен айырбастау шарты негізінде мақтаның мемлекеттік тұқым ресурстарын айырбастауды жүзеге асырады.

17. Мамандандырылған ұйымдар уәкілетті органға осы Қағидаларға 2-қосымшаға сәйкес нысан бойынша мақта тұқымының мемлекеттік ресурстарының болуы және қозғалысы жөнінде ақпарат береді.

Мақта тұқымының мемлекеттік ресурстарын қалыптастыру, сақтау және пайдалану қағидаларына

1-қосымша

Тоқсан сайын

есептік тоқсан аяқталғаннан кейін

25-күні тапсырылады

**201 \_ жылғы \_\_\_\_\_ тоқсандағы мақта тұқымының мемлекеттік ресурстарын сақтау жөніндегі**

**есеп**

(мақтаны қайта өңдеу ұйымының атауы)

Р/с №	Дақыл	Сорт	Көлемі (тонна)	Есеп құны (мың теңге)	Сапалық құрамы және сипаттамасы										
					Кондициялық тұқым (тонна)			Сан аты			Репродукциясы			Себу стандартының сыныбы	
					1	2	3	элита	1	2	1	2	3		

Басшы \_\_\_\_\_  
(қолы) (Т.А.Ә.)

Мақта тұқымының мемлекеттік ресурстарын қалыптастыру, сақтау және пайдалану қағидаларына

2-қосымша

Қазақстан Республикасы Ауыл шаруашылығы министрлігіне айна бір рет 29-күні мамандандырылған ұйым тапсырады

**20\_ жылғы «\_\_» \_\_\_\_\_ мақта тұқымының мемлекеттік ресурстарының болуы және қозғалысы**

Мақтаны қайта өңдеу ұйымының атауы	20_ жылғы «__» _____ мақта тұқымының болуы	20_ жылғы _____ есепті кезеңдегі кіріс	20_ жылғы _____ есепті кезеңдегі шығыс	20_ жылғы «__» _____ мақта тұқымының болуы

Басшы \_\_\_\_\_  
(қолы) (Т.А.Ә.)  
Орындаушы \_\_\_\_\_  
(қолы) (Т.А.Ә.)